

Seto Kuningriigi näpotüü võistlus 2026

Timahava om kuningriigi näpotüü võistlusõ teemast päälin'k. Kuna päälinigu tegemine võtt pallo aigu, sis piät varra alostama.

Seto abielunaase kõkõ õgapäävätsemp pääkatõ om lin'k. Varatsõmbal aol koeti kirjuga ilostat lin'k täüslinatsõst, ildambatsõl aol puuvillatsõst pleegitätü niidist. Kirälangust oll punanõ puuvillanõ maagõlang ni ildampa poodivillanõ ja umakedrat villanõ. Linigõ otsa' õks alati ilostati.

Timahava saa kuninga näpotüü meistrist tuu, kiä om kotoh valms tennü kõkõ ilosamba ja kõkõ inämbä aigu nõudnu linigu. Konkursil hinnatas, ku kõrdapite ja ku kimmält om koetu, kaetas nii hinnatas värme, kirja, ilostusi, nii kuis nuu' kõik kokko sobitusõ'.

Kiä tahat õks meistrist sai-a, sis piät kõik tüü (linigu kangas, linigu kiri, pilopits, vai nõglaga tsusit kumak nii pulgakõisiga koetu pilo) hinel olõma tettü. Hindamisõl and mano tuu, ku meistri om mustri eis välla märknü.

Vasta võtami ka linigu, ku olõt osalitsõlt eis tennü ja täpselt mano kirotanu määne osa linigõst om su tettü tüü. Näütusest: poodikangast ummõldu link a otsa' ommava' hinel koetu ja pilotatu, vai sis om võdõt vanaimä vai kinkagi tõõsõ koetu liniguots, mano pantu hindäl koetu linigukangas ja pilotatu pits, vai muu sääne. Kimmähe piät olõma selgtüskiri man.

Viimäne aig linigu tuumisõst vai saatmisõst üteh nimesildi ja selgtüsega om 30.juuli 2026 Seto Käsitüü Kogo kontorihe Verskah. Tõid võetas vasta ka 1.augustil Kuningriigipäävä hummogu infotelgih kooni' kell 11.

Tõid hinnatas ja hindaja' kuts kokko Seto Käsitüü Kogo. Kõigist konkursilõ esitet tõiest säetäs vällänäütüs. Rahva hääletüse tulõmusõna hõigatas vällä ka rahva meelest kõkõ ilosamba linigu tennü näpotüülinõ.

Vällä andas kats avvuhinda: rahva miildümine ja žürii meelest paremp.

Päävedosnik: Kala Ingrid, tel 512 0659